

LA QUOTIDIANA

FMR Fundaziun Medias Rumantschas, Via da Masans 2, 7000 Cuira, 081 544 89 11, redacziun@fmr.ch



Ina biografia musicala sco cu desch, disc e clip

Avant in mais ha Benedetto Vigne presentà in nov album. Walter Rosselli cussiglia da'l tadlar.

Pagina 2



50 onns Scola da musica Surselva

Ils 30 da novembre 1973, avant 50 onns, ha cumenzà a gestiun dalla Scola da musica Surselva.

Pagina 7

FMR FUNDAZIUN MEDIAS RUMANTSCHAS

südostschweiz

CUSSEGL GROND

Damain taglia per in e scadin

La dumonda sch'il chantun duai sbassar il pe da taglia nun è stada dispostaiva il mardi passà en il Cussegl grond. Tant pli dispostaiva è dentant stada la dumonda per quant che la taglia per persunas naturalas duai sbassar. La regenza ha proponi ina «soluzion modesta da 5 %», sco quai ch'il minister fa finanzas grischun Martin Bühler ha ditg. La PLD vuleva cun sostegn da la PPS sbassar il pe per 10 % e la PVL ha anc preschentà in compromiss da 7 %. La maioritad da deputadas e deputads, principalmair or da las retschas da la AdC e da la PS, è sa decidida per la proposta da la regenza, numnadama da sbassar il pe da taglia per 5 %. (fmr/ac)

Pagina 3

GRISCHUN CENTRAL

An Val Alvra è el gio passo



Or digl gôt è Son Niclo nia a Solas cun famegls ed asens.

Foto Gion Nutegen Stiger

Oz mesemda vign el a girar tras vals e vischnancas – igl Son Niclo. Tradiziunalmaintg igls 6 da decembre fò el viseta agls unfants an grondas parts digl mond. Gio en zichel pi bod è el er gio sto da vaseir ainten la Val Alvra, per esser exact ad Alvagni ed a Solas. A Solas èn igl Son Niclo e sies famegls perfign nias cun treis asens (fotografia). Ed ad Alvagni on er famiglias cun rieischs aint igl exterior retschet igl Son Niclo, tranter oter er ena famiglia uriunda dall'Ucraina. Ma las tematicas tg'igl Son Niclo discutescha cun igls unfants, paran d'esser ainten Val Alvra las mademas scu dapertot sen igl mond: far urden an stanza, betg far dispeta cun igls fardagliuns e betg ple duvrar igl luli. Ma a Solas ed Alvagni ègl sa tgapescha er do bler lod per igls unfants. (fmr/dat)

Pagina 11

ENGIADINA

Ün allogi contemporaun pels pesters

L'edifizi da l'Alp Prüma illa Val Roseg es in ün nosch stedi e nu corresponda più a las pretaisas superiuras e da la pastriglia. L'alp es in possess dals vschins da Samedan, chi haun eir già do il dret da fabrica – la vschinauncha da Samedan es però responsabla per l'administraziun da quella. La cumischiun d'alps e pauscis ho decis da sbuder l'edifizi existent e da rimplazzer la tegia cun ün nou stabiliment. In prüma lingia dess gnir realiso ün allogi contemporaun pel persunal d'alp. Impü dess eir gnir adatteda l'infrastructura a las pretaisas da la protecziun d'ovas. Perque decida la radunanza cumünela da Samedan in gövgia davart ün credit da 972 000 francs pel proget. Scha tuot vo bain, alura dessan la laluors cumanner l'utuon 2024 e gnir finidas düraunt l'an 2025. (fmr/cam)

Pagina 9

Alla tscherca da scolastas e scolasts

Pliras menadras e menaders da scola dalla Surselva tschercan già ussa scolastas e scolasts romontschs, mo survegnan strusch annunzias. Igl Uffeci cantunal per scola e per sport di che a basa dalla situaziun actuala da plazzas vacantas sappi ins buca discuerer d'ina munconza generala da persunas d'instrucziun.

MARTIN GABRIEL/FMR

Sil portal online da plazzas digl Uffeci cantunal per scola populara e per sport (USS) eran 55 plazzas da scolastas e scolasts publicadas sco vacantas ils 4 da decembre 2023. Otg persunas d'instrucziun vegnan tschercadas dentter Laax e Mustér. In tour d'horizon tier entignas meinascolas dalla Surselva muossa che la situaziun da persunal ei precara. Gion Caviezel, il menader dalla scola da Laax/Falera/Sagogn/Schluein di: «Sch'jeu vegn da pladir enzatgi per nossa scola, lu maunca quella persuna ad in'autra scola sursilvana.»

Gion Caviezel,
meinascola Laax/Falera/Sagogn/Schluein

suna ad in'autra scola sursilvana, sco per ex-empel a Muster ni en Lumnezia.»

La menadra digl USS Chantal Marti-Müller ha declarau alla FMR la posiziun da quel uffeci. «Las plazzas ch'ein actualmain vacantas el Grischun ein el rom dalla fluctuaziun usitada.» Malgrad quei conceda Chantal Marti-Müller che la situaziun da recrutaziun da persunal d'instrucziun ellas scolas romontschas seigi d'aventada ils davos onns punctualmain pli tendida. Il motiv per quei seigien era las decisiun da biars vischnancas da turnar tier igl idiom.

Pagina 5

«Jau stun be stut tge che vegn tut scrit.»

Martin Schmid è «stut sco il giat da Flurin» pervi da las speculaziuns en connex cun l'elecziun dal Cussegl federal. – Pagina 3



Trun – in di igl eldorado dil sport alpin

La sonda targada ei la neiv arrivada en abundanza. Quei regal da surengiu ha la Runals Péra SA priu cun mauns aviarts. Cun grond engaschament persunal e da Nordic Surselva ha la societat saviu arver la dumengia sias pistas a Trun/Campliun. Pil plascher dils indigens e da biars auters skiunz dall'entira Surselva. «Da Laax ensi ei quei numnadamein stau il sulet runal ch'ein staus en funcziun la dumengia», di Bruno Pfister, vicepresident dil cussegl d'administraziun dalla societat. (fmr/hh)

Pagina 7



3004.9
Servetsch d'abunents e da distribuziun: tel. 0844 226 226
mail: abo@omedia.ch

Il pli pign territori per ina ga il pli grond

Grazia ad in'acziun persunala fetg spontana ed engaschada ha il runal La Péra a Trun saviu arver siu menaschi la dumengia vargada. Skiunzas e skiunzs dall'entira Surselva han gudiu quei di da bellezia relaziuns a Campliun. «Quei ei la pagaglia per bia laver», di il vicepresident dil cusegl d'administraziun dalla Runals Péra SA, Bruno Pfister.

HANS HUONDER/FMR

La biara neiv dil venderdis e la sonda vargada ha surprui bein enqualin. Mo buca ils responsabels dil runal La Péra a Trun/Campliun. Leu haveva ei dau denter 50 e 60 cm. «La sonda endamaun havein nus decidu da metter tut en moviment per saver arver il runal ton pli spert. Grazia alla buna collaboraziun cun Nordic Surselva che prepara cun siu manischunz nossas pistas da skis eis ei reussiu da preparar bellezia pistas da skis silla dumengia», di Bruno Pfister (43). El conceda che quei ei stau pli sempel a Trun che els territoris da skis gronds: «Leu ei tut bia pli complex e pretensius, tier nus eis ei segir pli sempel, surtut era perquei che nus essan flexibels e tuts che lavuran voluntariamein.» Quei grond engaschament ei lu era vegnius remuneraus: «Damai che nies runal ei staus il sulet ch'era aviarts la dumengia naven da Laax ensi, ein skiunzs da lunsch entuorn sco da Tujetsch, da Schluuin e Lumnezia vegni tier nus per ir cun skis. Secapescha ch'ils indigens han era nezegiau stedia mein quella caschun.»

«Quei ei stau fenomenal»

Avon treis onns ha la Runals Péra SA investau 480 000 francs en infrastructura nova pil pign territori da skis a Trun/Campliun. En temps che territori da skis en regions pli bassas vegnati tschentai en demonda pervia dalla midada dil clima, ei quei stau in'investiziun che ha pretendiu



Bellezia relaziuns da pista ed aura la dumengia vargada el territori da skis dalla Runals Péra SA a Trun/Campliun.

dabia optimissem. «Da quels dis sco la dumengia vargada cun biaras frequeunzas survegnin nus la pagaglia persuerter. Quei ei stau fenomenal», di Bruno Pfister ch'ei specialist da tecnica da runals e pendicularas tier l'interresa Kissling SA. Il bab da treis affons ella vegliadergna dad otg, sis e quater onns sa tgei valeta ch'in territori da skis d'exercezi ha surtut per famiglias: «Mes affons han giu trenament dall'OG la dumengia a Laax. Els ein denton serendi a quei trenament suettamein culla condizion ch'els sappien turnar suenter miezdi ed auch cun skis a La Péra.» Il runal dispona buca d'ina registrazion da frequenzas. Perquei sa il diember era buca vegnir quantificaus: «Igl ei stau bia glieud. Aschi biaras skiunzs e skiunzs ch'ei stevan colonna ella pista per saver render ensivars cul runal.» Bruno Pfister serecorda buca ch'il runal a Trun ha saviu vegnir aviarts aschi baul il decembre.

La Runals Péra SA survegn annualmein ina pauschala da 10 000 francs.

Speranza sin in bien unviern

Tenor las prognosas dils proxims dis duess ei vegnir pli cauld e quei savess se capescha era haver consequenzas per las pistas dil runal a Campliun. «Nus essan optimists. L'experiencias dils davos onns ha mussau ch'ei drova ina brava faisa da favugn ni aura migieivla per che las pistas piteschien. Ei ha era gria dracau e silsuenter essan nus vegni da preparar la pista», di Bruno Pfister. Il terren a Campliun hagi ina bun' exposiziun e quei muement ch'ei hagi neiv, drovi ei dabia per che quella svaneschi. Auter ei quei stau igl unviern passau. Ils 12 da mars 2023 ha ei dau l'emprema neiv da num a Trun. Il runal ei staus serraus igl entir unviern.

Ei vegn fatg fiasta a Campliun

Sonda, iis 27 da schaner 2024 ha la Runals Péra SA dubel motiv da far fiasta. Suenter ch'igl ei buca stau pusseivel d'arranschar ina fiasta d'inauguraziun dils stabilimenti novs pervia dalla pandemia ed il giubileum da 50 onns dalla societad avon in onn muort munconza da neiv, vegn tut quei festivau duront in di schaner. Quei di vegn era purschiu la caschun d'ir cun skis da notg entochten las 21.30. Il runal a Trun/La Péra ei aviarts mintgamai la mesjamma e la sonda dallas 13.00 – 16.00 sco era la dumengia dallas 10.30 – 16.00. Ulterioras informaziuns ein da cattar sin runalpera.ch.

50 onns per la musa sursilvana

Ils 30 da novembre 1973 ei stau a Glion in act festiv ell'aula dalla casa da scola. Avon 50 onns ha la Pro Surselva, l'antecessura della Corporaziun da vischtauncas Surselva – oz Regiun Surselva – aviert ina nova sutorganisaziun. Suenter preparativas da sis onns han ins fundau ufficialmein la scola da musica. 20 onns pli tard frequentavan 1160 scolaras e scolars l'instrucziun.

AUGUSTIN BEELI/FMR

La grafica penda en biro en sia casa a Sevegin. Igl ei in maletg che regorda *Theo Maissen* a sia laver professiunala. 1973 haveva el surprui il post da meinagestiu dalla corporaziun regionala Pro Surselva. Quei medem onn – uonn eis ei 50 onns dapi lu – ei ina instituzion impurtonta naschida: la scola da musica. Dapi lu han mellis affons e giuvenils survegnii la caschun d'emprender in instrument, da scolar la vusch, da s'approfondir ella musica. Glied giuvna e talentada ha retschiert ina basa per la sparta dalla musa.

1160 scolaras e scolars

Ils 17 da decembre 1993, pil giubileum da 20 onns, ha la Corporaziun da vischtauncas Surselva (CVS) envidau ad in concert da gala ell'aula dalla casa da scola a Glion. Scolars da cant, ina formazion da brass, in ensemble d'instrumentalisti ed in orchester da combra han delectau quei gi ina sala pleina. El rapport annuel da quei onn 1993/94 ha Theo Maissen lu era menziunau specialmein las activitads dalla scola da musica. «Cun 1160 scolaras e scolars (onn precedent 1146) ei il diember carschius vinavon. In augment regi-stresh'ins cunzun tiel cuors elementar, iis instruments da stuors ed il cant.»

Pil concert da gala a Glion haveva gl'artisti da Mustér *Linus Flepp* creau il placat. Igl ei ina grafica che muossa dalla vart seniastra instruments, notas e la cefra 20, dalla vart dretga las informaziuns dil concert. Gl'effect dalla fundaziun, quei che era schabegiau dapi 1973, ha delectau iis hospes dalla sera da gala.

En 20 gassettas dall'entira Svizra

La musica ei sesviluppada ad in element central dalla cultura sursilvana. In exem-



musica stada presenta cun text e maltegen buca meins che 20 gassettas dall'entira Svizra.»

Avon sis onns, il settember 2017, ha la Regiun Surselva festivau siu agen giubileum da 50 onns. Per las occurrentas commemorativas ha ella saviu profitar da sia scola da musica. Quella ha giu ina rolla centrala ed ha dau in accent cul tel «Il tun dalla regiun». Ella ha organisau concerts ed ei separticipada alla turnea giubilara.

Grazia alla Scola da musica Surselva dispona la Regiun Surselva d'ina partizion creativa che alimentescha ed enrihiescha la cultura. Buca paucas musicistas e musicians ha ella promoviu, gl'emprem cul cuors da basa, lu cun emprender in instrument ni cul cant.

Grazia a quell'instituzion han affons e giuvenils era el futur caschun d'anflar in equiliber da lur mintgagi cun scola, sport e computer.

Emprems

preparativas 1967

La historia dalla Scola da musica Surselva entscheiva 1967. Toni Casanova, absolvent dalla partizion per scien-zias socialas applicadas all'Universitat da Friburg, haveva fatg ina studia cul tel «Modellarbeit JUGEND UND FREIZEIT». Iis resultats han mussau che la giuventetgna giavischass purschidas per l'instrucziun da musica. La laver haveva il student fatg per incarica dalla Pro Surselva e cun accumpagnament dalla cumissiun «formaziun e temps liber» sur il presidi da ser Martin Fontana.

Sin fundament dall'expertisa ha ei dau gl'onn da scola 1968/69 l'emprema purschida. A Rabius han 44 scolaras e scolars frequenzau leczius da ghitara. In onn pli tard haveva sur Gion Martín Pelican surprui il presidi dalla cumissiun. Lu han 175 scolaras e scolars survegnii instrucziun en plirs loghens en clavazin, ghitara, flauta, orgla a maun e violina. La finala ei ina grappa d'iniziants per ina scola da musica Surselva seformada. Anna Fryberg-Candinas ha presidiu quella, iis scolasts Richard Cas-tty da Flem, Rest Cundrau Demont da Vella, Carli Scherrer da Trun e Rest Gieri Tschor da Rueun eran com-members.

Il settember 1970 han gia 394 scolaras e scolars frequentau las leczius en 15 loghens e cun 23 personas d'instrucziun. El decuors dil 1972 ha la grappa d'iniziants presentau alla suprastonza dalla Pro Surselva la pro-posta da fundar ina scola da musica regionala. Il menaschi ufficial ha sin quei entschier igl 1 da febadur 1973.